

LETTER MOKTA AN JON.

JAPTER 1.

MEN eo e ar jen jinoin, eo kim ar roñjake, eo kim ar loe kin mejem, eo kim ar kalimjeke, im peim r'ar uñire, kin Nan in mour
Jon 1. 1, 14. & 20. 27. jap. 2. 13. & 4. 14. Luk 24. 39. 2 Pit. 1. 16.

2 (Im mour eo e ar waloktok, im kim ar loe, im kennan kake, im kwalok ññn kom mour eo, mour in drio, eo e ar iben Jemer, im ar kwalok e ññn kim);

Jon 1. 4. & 11. 25. & 14. 6. & 21. 24. Rom 16. 26. 1 Tim. 3. 16. jap. 3. 5. & 5. 20.

3 Men eo kim ar loe im roñjake kim kwalok e ññn kom bareinwõt, bwe ami kōmao en bareinwõt ibem; aet, im am kōmao ej iben Jemer im iben Nejin, Jisōs Kraist:

Jerb. 4. 20. Jon 17. 21. 1 Kor. 1. 9. jap. 2. 24.

4 Im kim jeje men kein, bwe ar lõñliñ en obrök.

Jon 15. 11. 2 Jon 12.

5 Im e in nan eo kim ar roñjake jen E, im kwalok e ññn kom, bwe Anij e maram, im ejelok marok ilo E.

jap. 3. 11. Jon 1. 9.

6 Elañe jej ba bwe jej kōmao iben, im etetal ilo marok, jej riōp, im je jab kōmōnmōn mol:

2 Kor. 6. 14. jap. 2. 4.

7 A elañe jej etetal ilo maram, einwõt Ej ilo maram, jej kōmao iben dron, im bōtōktōkin Jisōs Nejin, ej karreoik kij jen jerawiwi otemjej.

1 Kor. 6. 11. jap. 2. 2. Rev. 1. 5.

8 Elañe jej ba bwe ejelok jerawiwi iber, jej mōke moni kij, im mol e jab ilo kij.

1 Kin 8. 46. Job 9. 2. & 15. 14. jap. 2. 4.

9 Elañe jej kwalok jerawiwi ko ar, E tiljek im wānik bwe En jeorilok jen kij jerawiwi ko, im karreo kij jen jab wānik otemjej.

Sam 32. 5. & 51. 2. Pro. 23. 13.

10 Elañe jej ba bwe j'ar jab jera-wiwi, jej kariōp E, in An in nan e jab ilo kij.

JAPTER 2.

AJIRI ro nejiō, ij jejewoj men kein ññn kom, bwe komin jab jerawiwi. Im elañe jabrewõt armij ej jerawiwi, juōn ar Dri Jojomar iben Jemer, Jisōs Kraist Dru Wānik:

Rom 8. 34. Hib. 7. 25.

2 Im E ken mirik kin jerawiwi ko ar, im jab kin ar wõt, a bareinwõt kin aolepen lõl.

Rom 3. 25. 2 Kor. 5. 18. jap. 1. 7. & 4. 10, 14. Jon 1. 29. & 4. 42. & 11. 51, 52.

3 Im ilo men in je jela bwe jej jela E, elañe jej kejbārok kien ko An.

4 Eo e ba, I jela E, im e jab kejbārok kien ko An, ej dri riōp, im mol e jab ilo e:

jap. 1. 6, 8. & 4. 20.

5 A jabrewõt eo ej kejbārok An in nan, emol ar kowāppen yokwe Anij ilo e. Ilo men in je jela bwe jej ilo E:

Jon 14. 21, 23. jap. 4. 12, 13.

6 Eo e ba bwe ej ber ilo E, emōn en etetal einwõt E ar etetal.

Mat. 11. 29. Jon 13. 15. & 15. 4, 5. 1 Pit. 2. 21. 7 Kom, ro jltenburu, I jab jejewoj ññn kom kien ekāl, a kien eto eo e ar ibemi jen jinoin: kien eo eto, nan eo kom ar roñjake.

2 Jon 5. jap. 3. 11.

8 Bar juōn, ij jejewoj ññn kom kien ekāl, men eo emol ilo E im ilo kom, bwe marok e jokolok im maram emol ej romak kiō.

Rom 13. 12. 1 Tes. 5. 5, 8. Jon 1. 9. & 8. 12. & 13. 34.

9 Eo ej ba bwe ej ilo maram, im ej kijirāte jein im jātīn, ej ber ilo marok ññn ien in.

2 Pit. 1. 9.

10 Eo ej yokwe jein im jätin ej berwöt ilo maram, im ejelok lökati ilo e.

Jap. 3. 14. 2 Pit. 1. 10.

11 A eo ej kijiräte jein im jätin ej ilo marok, im ej etetal ilo marok, im e jaje ijo ej ilok ie lok, bwe emwij an marok kabilo mejen.

Jon 12. 35.

12 Ij jejewoj ñön kom, ajiri ro nejio, bwe emwij jeorilok jerawiwi ko ami kin Etan.

Jerb. 13. 38. Jap. 1. 7.

13 Ij jejewoj ñön kom, ridto rön, bwe kom jela Eo e jen jinoin. Ij jejewoj ñön kom, ro likao, bwe kom ar bök anjo ion dri nana eo. I ar jejewoj ñön kom, ajiri rön, bwe kom jela Jemer.

Jap. 1. 1.

14 I ar jejewoj ñön kom, ridto rön, bwe kom jela Eo ej jen jinoin. I ar jejewoj ñön kom, ro likao, bwe komij bin, im nan in Anij ej berwöt ilo kom, im kom ar bök anjo jen dri nana eo.

Ep. 6. 10.

15 Komin jab yokwe löl ak men ko ilo löl. Elañe jabrewöt armij ej yokwe löl, yokwe Jemer e jab ilo e.

Rom 12. 2. Mat. 6. 24. Jem. 4. 4.

16 Bwe men ko otemjej ilo löl, möm an köniek, möm an mej ko, im wuj wan an mour in, re jab an Jemer a rej an löl.

Ekl. 5. 11.

17 Im löl e jokolok im möm ko an: a eo ej kömöümön ankil an Anij ej berwöt in drio.

1 Kor. 7. 31. Jem. 4. 14. 1 Pit. 1. 24.

18 Ajiri rön, ej auö eliktata; im einwöt kom ar roñ bwe dri jumae Kraist ej itok, ien in eloñ dri jumae Kraist r'ar walok. Kin men in je jela bwe ej auö eliktata.

Jon 21. 5. Hib. 1. 2. 2 Tes. 2. 3, 4. 2 Pit. 2. 1. Jap. 4. 3. Mat. 24. 5, 24. 2 Jon 7. 1 Tim. 4. 1. 2 Tim. 3. 1.

19 Emwij air drioijlok jen lo bwiljer, a r'ar jab iar; bwe elañe r'ar iar re naj kar berwöt iber: a r'ar drioijlok bwe en kalikar ir ekijkan ir otemjej re jab iar.

Dut. 13. 13. Sam 41. 9. Jerb. 20. 30. Jon 6. 37. & 10. 28, 29. 1 Kor. 11. 19.

20 Im ami kabit jen Dri Kwojarjar, im kom jela men otemjej.

2 Kor. 1. 21. Hib. 1. 9. Mark 1. 24. Jon 14. 28.

21 I ar jab jejewoj ñön kom bwe kom jaje mol, a bwe kom jela e, im bwe ejelok riöp e jen mol.

22 Wön dri riöp elañe jab eo ej ba bwe Jisös e jab dri Kraist? E in dri jumae Kraist, eo ej karmijete Jemer im Nejin.

Jap. 4. 3. 2 Jon 7.

23 Jabrewöt eo ej karmijete Nejin, Jemer e jab iben: eo ej kwalok Nejin, Jemer ej bareinwöt iben.

2 Jon 9. Jon 14. 7, 9, 10. & 15. 23. Jap. 4. 15.

24 Komeo, men eo kom ar roñjake jen jinoin en berwöt ilo kom. Elañe ej berwöt ilo kom men eo kom ar roñjake jen jinoin, kom naj berwöt ilo Nejin im ilo Jemer.

2 Jon 6. Jon 14. 23. Jap. 1. 3.

25 Im e in kalimur eo E ar kalimur ñön kij kake, mour in drio.

Jon 17. 3. Jap. 5. 11.

26 Emwij ađ jejewoj ñön kom men kein kin ro rej kejebwäbweik kom.

Jap. 3. 7. 2 Jon 7.

27 Ak komeo, kabit eo kom ar bök jen E ej berwöt ilo kom, im kom jab alkij bwe jabrewöt en katakin kom; a einwöt kabit eo An ej katakin kom kin men otemnej, im emol im e jab men in riöp, im einwöt e ar katakin kom, komij berwöt ilo E.

Jer. 31. 34. Hib. 8. 11. Jon 14. 23. & 16. 13.

28 Im kiö, ajiri ro nejio, komin berwöt ilo E, bwe elañe E naj weaktok, jen beran im jab äliklik iman mejen ñe Ej itok.

Jap. 3. 2. & 4. 17.

29 Elañe kom jela bwe Ej wänik, kom jela bwe ro otemjej bareinwöt, rej kömöön wänik, rej lotak jen E.

Jerb. 22. 14. Jap. 3. 7, 10.

JAPTER 3.

KOMIN lale wäwen öt yokwe Jemer e ar letok ñön kij, bwe jen etnake nejin Anij; im kij ein drein. Kin men in löl e jab jela kij bwe e ar jab jela E.

Jon 1. 12. & 16. 3. & 17. 25.

2 Kom ro jitenburu, kij ro nejn Anij, im e jañin boel an walok e naj kijkar. Je jela bwe, elañe E naj weaktok, je naj einwöt E, bwe je naj lo E wöt E.

Isa. 50. 5. Rom 8. 15, 18, 29. Gal. 3. 26. Jap. 5. 1. 2 Kor. 4. 17. Job 19. 26. Sam 16. 11. Mat. 5. 8. 1 Kor. 13. 12.

3 Im ro otemjej, kejatrikrik in kin E ej ibeir, rej karreo ir einwöt Ej erreo.

Jap. 4. 17.

4 Ro otemjej rej kōmōn jerawiwi rej kōtōrei kien eo: bwe jerawiwi ej men in kōtōrei kien.

Rom 4. 15. Jap. 5. 17.

5 Im kom jela bwe E ar walok bwe En bōklok jerawiwi ko. Im ejelok jerawiwi ilo E.

Jap. 1. 2. Isa. 53. 5, 6, 11. Hib. 9. 26. 2 Kor. 5. 21. Hib. 4. 15. 1 Pit. 2. 22.

6 Jabrewöt eo ej berwöt ilo E, e jab jerawiwi. Jabrewöt eo ej jerawiwi, e ar jab lo E, im e jab jela E.

Jap. 2. 4. & 4. 8. 3 Jon 11.

7 Ajiri ro nejiō, ejelok armij en kejebwābweik kom. Eo ej kōmōn kwojarjar ej kwojarjar, einwöt E ej kwojarjar:

Jap. 2. 26. Ezek. 18. 5-9. Jap. 2. 29.

8 Eo ej kōmōn jerawiwi ej an devil; bwe devil ej jerawiwi jen jinoin. Im Nejin Anij e ar walok kin men in, bwe En kokkure jerbal ko an devil.

Mat. 13. 38. 1 Jen. 3. 15. Luk 10. 18. Hib. 2. 14.

9 Jabrewöt eo Anij e ar keutak e, e jab kōmōn jerawiwi, bwe ine eo an ej berwöt ilo e, im e ban jerawiwi, bwe Anij e ar keutak e.

Jap. 5. 18. 1 Pit. 1. 23.

10 Ro nejin Anij, im ro nejin devil, rej alikar ilo men in: jabrewöt eo e jab kōmōn wānik, e jab jen Anij, bareinwöt eo e jab yokwe jein im jätin.

Jap. 2. 29. & 4. 8.

11 Bwe eñin nan eo kom ar roñ jen jinoin, bwe jen yokwe dron.

Jap. 1. 5. & 2. 7. & 4. 7. Jon 13. 34. 2 Jon 5.

12 Jab einwöt Kein ej an dri nana eo im ar urōte jätin. Im ewi unin

314

an urōte? Bwe jerbal ko an re-nana, im ko an jätin rewānik.

Jen. 4. 4, 8. Jud 11.

13 Ro jätio, komin jab bwilōñ elañe löl ej kijirāte kom.

Jon 15. 18. 2 Tim. 3. 12.

14 Je jela bwe j'ar elā jen mij ñōn mour, bwe jej yokwe jimjān jimjāten. Eo e jab yokwe ej berwöt ilo mij.

Jap. 2. 9-11.

15 Jabrewöt eo ej kijirāte jein im jätin ej dri uror, im kom jela bwe mour in drio e jab berwöt ilo jabrewöt dr'uror.

Mat. 5. 21, 22. Gal. 5. 21. Rev. 21. 8.

16 Ilo men in je jela yokwe, bwe E ar likit mour eo An kin-kij: im emōn jen likit ar mour kin ro jeer im jäter.

Jon 15. 13. Jap. 4. 9, 11.

17 A jabrewöt eo, elañe eor mweiuk ko an löl iben, im ej lo an jein im jätin aikwij, im ej kili buruen jen e, ekijkan yokwe Anij en ber ilo e?

Dut. 15. 7. Luk 3. 11.

18 Ajiri ro nejiō, jen jab yokwe ilo nan ak kin loer, a ilo kōmōn im mol.

Ezek. 33. 31. Ep. 4. 15.

19 Ilo men in je naj jela bwe kij jen mol im je naj karel buruer iman mejen.

Jon 18. 37. Jap. 1. 8.

20 Bwe elañe buruer ej liakelok kij, Anij elap jen buruer im E jela men otemjelok.

1 Kor. 4. 4.

21 Kom, ro jitenburu, elañe buruer e jab liakelok kij, jej beran ñōn Anij;

Job 22. 26. Hib. 10. 22.

22 Im jabrewöt men eo jej kajitōk iben jej bōk jen E, bwe jej kejbārok kien ko An, im kōmōn men ko rej men in mōnōnō iman mejen.

Jer. 29. 12. Mat. 7. 8. Jem. 5. 16. Jon 8. 29. & 9. 31.

23 Im eñin kien eo An, bwe jen tōmak ilo etan Nejin, Jisōs Kraist, im yokwe dron einwöt E ar letok kien ñōn kij.

Jon 6. 29. Jap. 2. 8. & 4. 21.

24 Im eo ej kejbärok kien ko An
ej berwöt ilo E, im E ilo e. Im ilo
men in je jela bwe Ej berwöt ilo
kij kin Jitöb eo E ar letok ñön kij.
Jon 14. 23. & 15. 10. & 17. 21-23. jap. 4. 12, 13.

JAPTER 4.

Ro jitenburu, komin jab tömak
jitöb otemjej, a melejoñ jitöb
rön elañe rej jen Anij ke jab ke:
bwe elöñ dri kanan riöp r'ar dri-
ojlok na ilo löi.

1 Kor. 14. 29. 1 Tes. 5. 21. Rev. 2. 2. Mat.
24. 4, 5.

2 Ilo men in komin kili Jitöb öñ
Anij: jitöb otemjej rej kwalok kin
an Jisös Kraist ar itok ilo köniek,
re jen Anij:

1 Kor. 12. 3. jap. 5. 1.

3 Im jitöb otemjej re jab kwalok
Jisös re jab jen Anij: im e in jitöb
dri jumae Kraist, eo kom ar roñ
bwe ej itok; im ien in ej ilo löi.

2 Jon 7. 2 Tes. 2. 7.

4 Ajiri ro nejiö, kom jen Anij, im
kom ar böck anjo loir, bwe Eo ej ilo
kom elap jen eo ej ilo löi.

Jon 12. 31. 1 Kor. 2. 12.

5 Rej jen löi, inem rej konono ein-
wöt jen löi, im löi ej roñjake ir.

Jon 3. 31. & 15. 19.

6 Kijeo jej jen Anij: eo ej jela
Anij e roñjake kij; eo ej jab jen
Anij e jab roñjake kij. Ilo men in
je jela Jitöb öñ mol, im jitöb an
bwir.

Jon 8. 47. & 10. 27. & 14. 17. 1 Kor. 14. 37.
2 Kor. 10. 7.

7 Kom, ro jitenburu, jen yokwe
dron: bwe yokwe e jen Anij; im
ro otemjej rej yokwe, emwij keu-
tak ir jen Anij, im re jela Anij.

jap. 3. 11.

8 Eo e jab yokwe e jab jela Anij;
bwe Anij yokwe.

jap. 2. 4. & 3. 6.

9 Ilo men in emwij kwalok ilo kij
an Anij yokwe, bwe E ar jilkintok
ilo löi juön wöt E ar keutak, bwe
jen mour kin E.

Jon 3. 16. Rom 5. 8. jap. 3. 16. & 5. 11.

10 Yokwe ej ilo men in, jab bwe
j'ar yokwe Anij, a bwe E ar yokwe

kij, im jilkintok Nejin, bwe E
ken mirik kin jerawiwi ko ar.

Jon 15. 16. Rom 5. 8, 10. jap. 2. 2.

11 Kom, ro jitenburu, elañe ein
drein an Anij yokwe kij, emöñ jen
bareinwöt yokwe dron.

Mat. 18. 33.

12 Ejelok armij e ar lo Anij jabre-
wöt ien. Elañe jej yokwe dron,
Anij ej ber ilo kij, im yokwe E ej
wäppenlok ilo kij:

Jon 1. 18.

13 Ilo men in je jela bwe jej ber
ilo E, im E ilo kij, bwe E ar letok
ñön kij Jitöb eo An.

Jon 14. 20. jap. 3. 24.

14 Im kim ar lo im kennan bwe
Jemer e ar jilkintok Nejin bwe E
dri Lomoren löi.

Jon 3. 17.

15 Jabrewöt eo e naj kwalok bwe
Jisös e Nejin Anij, Anij ej ber ilo e
im e ilo Anij.

jap. 5. 5.

16 Im je jela im j'ar tömak yokwe
eo ej iben Anij ilo kij. Anij yok-
we: im eo ej ber ilo yokwe ej ber
ilo Anij im Anij ej ber ilo e.

jap. 3. 24.

17 Ilo men in yokwe ej wäppen-
lok iber, bwe jen beran ilo ran in
ekajet eo; bwe einwöt E, ein drein
kij ilo löi in.

Jem. 2. 13. jap. 2. 28. & 3. 3, 21.

18 Ejelok lelñöñ ilo yokwe, a yok-
we e wäppen ej jolok lelñöñ, bwe
eor iñtan ilo lelñöñ; im eo ej lel-
ñöñ jañin kowäppen e ilo yokwe.

19 Jej yokwe bwe E ar yokwe kij
mokta.

jap. 2. 4. & 3. 17.

20 Elañe armij ej ba, Ña ij yokwe
Anij, im ej kijiräte jein im jätin, e
dri riöp: bwe eo e jab yokwe jein
im jätin eo e ar lo e, ej ban yokwe
Anij eo e ar jab loe.

21 Im kien in iber jen E, bwe eo
ej yokwe Anij, en bareinwöt yokwe
jein im jätin.

jap. 3. 23.

JAPTER 5.

JABREWÖT eo ej tömak bwe
Jisös e dri Kraist, emwij keu-
315

tak e jen Anij; im jabrewöt eo ej yokwe Eo ar keutak e, ej bareinwöt yokwe eo emwij keutak e jen E.

Jon 1. 12, 13. jap. 2. 22. & 4. 2.

2 Ilo men in je jela bwe jej yokwe ro nejin Anij, ke jej yokwe Anij, im kômönmöñ kien ko An.

3 Bwe eñin yokwe Anij, bwe jen kejbärok kien ko An: im kien ko An re jab erro.

Jon 14. 15. 2 Jon 6. Mat. 11. 30.

4 Bwe jabrewöt men eo Anij ej keutak e, ej bök anjo ion löi. Im eñin anjo eo j'ar anjo kake ion löi, ar tömak.

Jon 16. 33. jap. 4. 4.

5 Wön eo ej bök anjo ion löi, elañe jab eo ej tömak bwe Jisös e Nejin Anij?

1 Kor. 15. 57. jap. 4. 15.

6 E in Eo e ar itok kin dren im bötöktök, Jisös Kraist; jab ilo dren wöt, a ilo dren eo im bötöktök eo. Im e Jitöb eo Ej kennan kake, bwe Jitöb emol.

Jon 15. 28. & 19. 34. 1 Tim. 3. 16.

7 Bwe ro rej kennan rej jilu,

Jon 1. 1. & 10. 30. Rev. 19. 13.

8 Jitöb, im dren, im bötöktök, im Irjil rej benwöt juön.

9 Elañe jej bök an armij kennan, kennan an Anij elap jen e, bwe eñin kennan an Anij, bwe E ar kennan kin Nejin.

Jon 8. 18. Mat. 3. 17.

10 Eo ej tömak Nejin Anij, kennan iben ilo e: eo e jab tömak Anij, e ar kariöp E; bwe e ar jab tömak kennan eo Anij e ar kennan kin Nejin.

Rom 8. 16. Gal. 4. 6. Jon 3. 33. & 5. 38.

11 Im eñin kennan eo, bwe Anij e ar letok ñön kij mour in drio, im mour in ej ilo Nejin.

jap. 2. 25. & 4. 9. Jon 1. 4.

12 Eo Nejin iben, mour ej iben;

316

eo Nejin Anij e jab iben, mour e jab iben.

Jon 3. 38. & 5. 24.

13 I ar jejewoj ñön kom men kein, bwe komin jela bwe mour in drio ibemi, aet, ñön kom komij tömak ilo etan Nejin Anij.

Jon 20. 31. jap. 1. 1, 2.

14 Im eñin heran eo iber ñön E, bwe elañe jej kajitök iben kin jabrewöt men eo ekar ñön ankilAn, Ej roñjake kij.

jap. 3. 22.

15 Im elañe je jela bwe Ej roñjake kij kin jabrewöt ar kajitök iben, inem je jela bwe rej iber men in kajitök ko, j'ar kajitök iben kaki.

16 Elañe jabrewöt armij ej lo jein im jätin ej jerawiwi kin jerawiwi e jab ñön mij, e naj kajitök im Anij e naj lelok mour ñön e kin ro rej jerawiwi im e jab ñön mij. Juön jerawiwi e ñön mij. I jab ba bwe en kajitök kake.

Job 42. 8. Jem. 5. 15. Mat. 12. 31, 32. Hib. 6. 4, 6. & 10. 26. Jer. 7. 16.

17 Jabwänik otemjej jerawiwi, im eor jerawiwi re jab ñön mij.

jap. 3. 4.

18 Je jela bwe jabrewöt eo emwij keutak e jen Anij, e jab jerawiwi. A eo Anije ar keutak e ej möke kejbärok e, im dri nana eo e jab uñire.

jap. 3. 9. Jem. 1. 27.

19 Je jela bwe kij jen Anij, im aolepen löi ej berwöt ilo dri nana eo.

Gal. 1. 4.

20 Im je jela bwe Nejin Anij e ar itok, im E ar letok ñön kij meletlet bwe jen jela Eo emol, im kij ilo Eo emol, ilo Nejin, Jisös Kraist. E in Anij emol im mour in drio.

Luk 24. 45. Jon 17. 3. & 20. 23. Isa. 9. 6. & 44. 6. & 54. 5. Jer. 20. 23. Rom 9. 5. 1 Tim. 3. 16. Tait. 2. 13. Hib. 1. 8.

21 Ajiri ro nejiö, komin kejbärok kom jen ekjöp ko.

1 Kor. 10. 14.